



partii naleraq

UPA2017/10


Immikkoortup 10 siullermeerneqarnera:

2017-imut Aningaasaqarnikkut ingerlatsineq pillugu nalunaarut.

(Aningaasaqarnermut Akileraartarnermullu Naalackersuisoq)


Siullermik Naalackersuisoq aningaasaqarnikkut killiffissiuinissamut tunngaviliigavit qujanaq.

Pingaaruteqarluinnarpoq immitsinnut aperissalluta aningaasaqarnikkut ingerlatsinitta inuiaqatigiinni kikkunnut iluaqutaanersoq, allatut oqaatigalugu – Nottinghamip Sheriffiusaassuugut imaluunniit Robin Hood? Atugarissaartitsineq massakkutuut ikittuaraarannguanut imaluunniit amerlanerussuteqarluartunut tunngaveqassavaa?





partii naleraq



<http://bank.stat.gl/temp/INDP62015517423618.xls>

Ukua assilissat ikkussat marluk ersareqqinnaamik takutippaat massakut ingerlatsinitta kingunipilui.

Naatsumik oqaatigalugu massakut ingerlatseriaasitta kingunerivaa inuiaqatigiinni atugarissaarnerpaat 10% missaat tunngavigalugit ingerlatsisugut inuiaqatigiit 90%-iisa missaat akilersueqataatillugit iluaqutigingisaannik, tamannalu equnganerujussuaq naapertuutinnigilluinnarpoq.

Allaat marlungormat unnukkut Nanoq News-mi takuarput Tasiilami inuit arlallit ullormut 20 dkk missaanik inuuniutissaqarsimasut. Pissutsit tamakku akuersaarneqarsinnaangillat timalimmillu aaqiivigineqapallattariaqarlutik.

Massakkullu nunatsinni aningaalersugassatut pilersaarutit ima isikkoqarput danskit koruuninngorlugit:

Tele Greenland A/S : 8-10 miliartit

Mittarfiit : 3-5 miliartit

Siorarsiorfik : 4-6 miliartit

RAL-ip umiarsualiorniarnera : 1-2 miliartit

Katikaanni inuiaqatigiit tamarmiulluta pilersaarutaasutut akilersugassagut miliartit 20-t missaanniipput Siorapalummiuugutta, Illoqqortoormiuugutta, Sermiligaarmiuugutta Qeqertarsuamiuugutta, Paamiormiuugutta Nanortalimmiuuguttaluunniit, tassa tamarluinnatta pigissaartuugutta amerlanerpaatulluunniit pissakittuugutta akilersugassagut. Assersuutigalugu aningaasat taakku miliartit sinnillit erniai 5%-imut inissikkutsigu taava ukiumut erniat inuiaqatigiit akilersugassat 90.000.000,00 dkk



partii naleraq

sinnerlugit, taakku qaammammut dkk 7.500.000,00 ullormut agguaqqillugit dkk 250.000,00 erniaannarnut, akiitsut naafferarnissaat suli ilanngunnagu.

Inuiaqatigiit aningaasaqarnikkut inissisimanerat

Pissakittut amerliartuinnarput – inuiaqatigiinni 60%-it qaangeriinngikkunikkit missaaniipput, artorsalutik aningaasatigut angummassinnaajunnaarlutik tunniutiinnartullu tupinnangitsumik amerliartuinnavipput, ilaatigullu tamassumap kingunerivaa inuiaat pingasorarterutaata nunatsinniit pissutsinut qimarrallutik nunatta avataani nunaqalersimanerat, aatsaallimi erloqisitat.

Mumisittariaqarparput nunatsinni killiffipput imaattoq:

Pissakittut: 60% miss Akunnattumik isertitaqartartut: ca. 30% Pigissaartut: ca. 10 %

Aningaasaqarnermut Ilisimatoq Thomas Piketty: Akunnattumik isertitaqartartut inuiaqatigiit ineriartortinnissaanut %-ingorlugu amerlanerpaajunissaat pingaaruteqartorjuuvoq, taakku pilersitsisaramik inuiaqatigiit ineriartornerulernerannik.

Una tamatta eqqaamassallugu pingaaruteqarpoq – taakkununga pissakittunut ilaammata SIK-mi ilaasortarpasuit assingisaallu aamma allatulli akileraartarnermikkut nunatta karsianut akilersueqataasut. Nunattalu karsia aqutigalugu aqutseriaatsimut akilersueqataasut, tassanilu kiffartuussinermut isumaqatigiissutit, il. il..

Ilisimatuullu Thomas Piketty-p inerniliinera malissagaanni agguataarineq qulaani takusarput imatut mumisillugu allangortillugu anguniartariaqarparput:

Pissakittut: 10-15% Akunnattumik isertitaqartartut: 60-70% Pigissaartut: 10-20%

Atugarissaarnerulersitsinissaq

Qinikkatut sulinitinni tunngaviulluinnartussaavoq inuiaqatigiit amerlanerussuteqarluartui tunngavigalugit atugarissaarnerulersitsissalluta, tamannalu pingaartitalugu ingerlatsiniarutta massakut illerngit atukkagut, soorlu asilissat marluk qulaani ilanngussat takutereeraat, naapertuutinnngilluinnarput ilorraallu tungaanut sangusariaqarluinnalernikuulluta.

Pisortat aningaasaqarnermi inissisimanerata atorluarnissaa ca. 90/10 aallaavigalugu

Qanoq iliussuugut... Nunatsinni nunanut allanut sanilliulluta ilorraap tungaanut saqititsinissamut periarfigissaarnerujussuuvugut, tassami nunarput tamakkerlugu aningaasat kaaviaartut aallaavigaanni pisortat toqqaannartumik toqqaannangittumillu 90%-iisa missaai akisussaaffigivaat, taamaattumillu allanguinissamut aqqissuusseqqinnissamut nunanut allanut sanilliulluta ajornannginneerarsuulluni. Taamaattumik kinguarsarnissaanut utoqqatsissutissarsiornissaq ajornakusoorpoq, timitalimmillu akisussaassuseqarluta iliuseqartariaqalerpugut.



partii naleraq

Ilisimatuussutsikkut oqariartortoqarpoq ukiut qulikkaar marluk sivilutigitigisumik allanngortitsiartortoqartartoq, taamaattorli nunatsinni aningaasatigut aqutseriaaseq qitiusumiit annertuumik akuuffigineqarmat sivikunnerusinnaanera tungitsinniit ilimagisinnaavarput.

Suliffeqarfiit qanoq atorluarsinnaavagut

Tassani innersuusutigissavarput siorna UKA2016-mi apeqquteqaat aallaavigalugu suliffeqarfiit qanoq sunniuteqarneri pillugit inatsisartuni qaqitaq immikkoortoq 144

http://www.ina.gl/dvd/EM2016/pdf/media/samlingsfiler/2861305/pkt144_em2016_foresp36_samfundsej_ede_virksomheder_perrp_attaviitsoq_kal.pdf

tassani sukumiisumik suliffeqarfiit tamakkiisumik ilaannakortumillu inuiaqatigiinnik pigineqartut qanoq sunniuteqarneri sammeneqarput.

Nuna Norge uagutsituulli annertuumik taamannak inissisimasuulluni uagutsinnut sanilliullugu allaassutigingaatsiarpa Norgemi tamanna ajoqutaatinnagu annertuumik iluaqutigimmassuk, aammami taamaattariaqarami.

Qinikkatut atugarissaarnerulersitsinermik suliuniuteqartussaalluta suliffeqarfiit tamakkiisumik ilaannakortumilluunniit pigisagut tassunga suliuniuteqarnitsinnut sakkussatut atortussaavagut killormuunngitsoq, suliffeqarfiit tassunga assortortumik ingerlatsisinnaangillat.

Angallannerup pingaaruteqarluinnarnera ineriartortitsinermi

Siullermik angallannermi aaqqiinnerup pingaarnerpaatut tunngavissaa eqqaasitsissutigeqqillarput, tassalu angallannermi aaqqiinnerup tunngavigisussaavaa sumiikkaluaruttaluunniit – upalungaarsimaneq innarlernagu angalasumut inuiaqatigiinnullumi akikinnerpaamik aaqqiinissaq.

Massakkullu angallannermi aaqqiineq imaappoq inuiaqatigiit qaffasinnerpaavani 10-15%-iani inissisimasut atortagaannik, uffalu aamma Upernavimmi SIK-mi ilaasortap akileraartarnini aqutugalugu taamannak aaqqeeriialuarneq akilersueqataaffigalugu, taamaattorli aamma SIK-mi ilaasortaasumik nuliaqaruni assersuutigalugulu pingasunik atuartunik meeraqarunik, namminneq akilikkaminnik Ssisiuniut ilaqtaminnik apersortittooraluarunik minnerpaamilluunniit akissaqanngillat timmisartorlutik Ssisiuniut uterlugulu angalanissaminnut. Taamaapporlu inuiaqatigiit kalaallit 70-80%-iisa akissaqarfiginngisaannik angallannermi aaqqiinata ajornerulersitsigatta.

Aningaasallu dkk 3-400 miliuunit atorlugit nuna tamakkerlugu aaqqiinnaavugut sineriammi piffinni arlalinni mittarfiliornikkut taassumallu saniatigut inuiaqatigiit amerlanerussuteqarluartut akissaqarfigisinnaasaannik timmisartuutiqatigiiffiliornikkut.

Assersuutigalugu Qeqertarsuup tunuani massakkut aaqqissuusineq tunngavigalugu ukiup affaata iluani periarfissaavoq Ilulissat Qasigianguillu akornanni qulimigooq atorlugi siumut utimullu dkk 2.700,00 sinnerlugu akiliilluta angalanissatsinnut, qaavatigullu nunatta karsianiit kiffartuusineri isumaqatigiissut



partii naleraq

tunngavigalugu dkk 20 miliuunit miss tunniunneqartarlutik. Timmineq 15 minutsit missaani sivikitsigaaq. Qasigianguani mittarfiliornikkut angalaneq taanna tapiissutitaqanngitsumik (massakut dkk 2.700,00-lik) siumut utimullu akeqalersinnaavoq dkk 800,00 imaluunniit kiffartuussinissamut isumaqatigiissutit attatiinnassagaanni akeqalersinnaalluni dkk 300,00 imaappoq massakut akiliutigineqartartup 10%-iata missaa (ileqqaarut 90%miss.). Takorloorneqarsinnaavoq pissutsit taamaattut inuiaqatigiit kalaallit ulluinnarileraluarunikkit angallannerup qanoq isikkoqarnerata allanngorluinnarsinnaanera aammalu qanoq najugaqariaaseqarneq allanngungaatsiarnissaminut aammaassissangaluarpoq, soorlu taamani Danmarkimi Storebælti ikaarlugu ikaartarfiliornierup kingunerisaanik assigusumik pisoqartoq. Sumi najugaqariaaseq malunnartumik allanngorpoq aammalu akit angallannerullu assiliartaa allanngorujussuarluni.

Allatut naatsumik oqaatigalugu nunatta iluani angallanneq malunnaateqarluartumik akikillisaavigineqarsinnaavoq dkk 3-400 miliuuninik aningaasaliinikkut.

Aaqqissuusseqqinneq – taava ilisimasariaqarput suut aaqqissuuteqqissallugit, naammassisaqarsinnaassuseq qanoq ippa?

Ukiut kingulliit partii naleqqamiit aaqqissuusseqqinnissamik ujartuiuarnerput qujanartumik sunniuteqarluni qanilliarorneqalernikuvoq, aammami tamanna pisariaqarluinnarpoq. Taamaattorli taamatorluinnaq aamma pingaaruteqarpoq aaqqissuusseqqinniaanni sukumiisumik ajunngortarisinnaasai ajortortaallu ilisimaarilluarlugit killiffik ilisimaneqartariaqarami, ilisimangikkaannimi aaqqissuusseqqinneq killormuuanik aamma inuiaqatigiinnut kinguneqarsinnaasoq takoreerparput isumaginninnikkut aaqqissuusseqqeriarnermi. Taamaattumik suna tamaat nalilersorluagassaavoq tassanilu naammassisaqarsinnaassutsip ilisimaarilluinnarnissaa pingaaruteqartupilussuummat Naammassisaqarsinnaassuseqarnermik (produktivitet) ataatsimiisitaliarsuarmik pilersinnissaa tungitsinniit ujartoqqissuarput.

Aningaasaqarnermut sectori

Nuna Naalagaaffinngorniarluni anguniagaqartoq pinngitsoorani aningaasaqarnermik sectoreqartariaqarpoq. Aningaasaqarnikkut sectorip minnerpaamik imarisussaavai:

- Nunap aningaaserivia
- Nunap Soraarnerussutisiaqarluni aningaasaateqarfia
- Nunap Sillimmasiisarfia
- Illuliornermi aningaasaateqarfik (kreditforening)
- Pappilissat nalillit

Sualummik atugarissaarnerulernissamik aqutissiunermi nammineq illoqalernissamut/angerlarsimaffeqalernissat aningaasanik atorniartarfeqalernissaq, soorlu nunani avannarlerni atugarissaarnerlerneramik aqutissiunerpaat ilaginkuugaat. Akissaqartuuneq aallaavigalugu, imaangitsoq illoqarfiit ineriartortussatut aningaaseriviit avataaneersut toqqarnikuusaat kisiisa aallaavigalugit.

Tassani aamma eqqartorneqarsinnaavoq nunatta aalisarnermut aningaaseriveqalernissaa.



partii naleraq

Nunanut allanut niueqateqarnerup sinneqartoorfiunissaa

Nammineq tunisassiatsinnik naleqarnerulersitsineq annertunerujussuarmillu imminut pilersorneq aqputigalugu nunanut allanut niueqateqarnermi sinneqartoorfissaq qulakkeerneqarsinnaavoq tassuunalu nunatta aningaasaqarnerata patajaallisarnissaa aqputissiuunneqarsinnaavoq

Taava qanoq? Kikkut iluaqutigissavaat?

Naggataatigut uteqqillarput piffissanngormat inuiaqatigiit atuarissaarnerpaat 10 %-iinnaasa tunngavigalugit nunarput "atugarissaartissinnaannginnatsigu" pisariaqarluinnarpoq innuttaasut amerlanerussuteqarluartut iluaqutigisinnaasaannik aningaasaqarnitta ingerlanneqarnissaa, killiffippummi erloqinaqaaq, tamanna naatsorsueqqissaartarfiup kisitsisaataasa ersersereerpaat qulaani assit ikkussat takutippaat qaavatigullu Decembarip tallimaani kisitsisit nutaat takutillugu sulii killiffik ajornerulersimasoq. Pissakinnerit pissakinneruliinnarsimangillat aammali amerlanerulersimallutik. Tassuuna annertuumik pisussaaffeqarpugut, tamattaalluta ikioqatigiilluta kivittariaqakkatsinnik. Qunneq pigissaartut ikittuaranguit pissakittullu amerlasoorujussuit akornaniittoq annertuallaarujussuaqaaq, akileraartarnikkullu kisimi aqqinneqarsinnaanani, tamannami ilaartuinerinnaassammat, aqutseriaaserput tamaat aqqissuuteqqittariaqarparput. Partii naleralu assoroqataanisaminut piareersimavoq.

Qujanaq

Per Rosing-Petersen

Kakkiussat:



Rediger og beregn Gem som Figurer
lynvalg:

Gennemsnitlige personindkomster efter tid, bosted, alder, fødested, køn, distrikt og indkomsttype

	Bruttoindkomst	Skattepligtig indkomst	Indkomst efter skat
2013			
Alle			
Alle			
Født i Grønland			
Mænd			
Nanortalik	146 381	134 184	106 536
Qaqortoq	188 964	173 784	131 274
Narsaq	169 057	156 409	120 140
Ivittuut
Paamiut	171 721	159 812	124 573
Nuuk	259 755	240 397	179 301
Maniitsoq	186 696	173 029	132 689
Sisimiut	233 763	218 640	160 783
Kangaatsiaq	136 264	124 548	100 108
Aasiaat	171 431	159 078	121 205
Qasigiannuit	200 363	188 110	138 546
Ilulissat	217 212	202 272	148 086
Qeqertarsuaq	204 695	190 605	141 130
Uummannaq	188 684	177 019	130 718
Upernavik	156 848	144 825	112 221
Qaanaaq	116 330	104 403	87 782
Tasiilaq	158 544	145 334	117 548
Illoqortoormiut	146 426	133 864	107 742

For metode og definitioner af indkomstbegreberne henvises til seneste indkomstpublikation, der kan hentes på www.stat.gl

Signaturforklaring:

.. For usikker til at kunne angives eller udeladt af diskretionshensyn

... Oplysninger foreligger ikke

køn

Kun fra og med 2008



partii naleraq

Gennemsnitlige personindkomster efter tid, bosted, alder, fødested, køn, distrikt og indkomsttype

	Bruttoindkomst	Skattepligtig indkomst	Indkomst efter skat
2013			
Alle			
Alle			
Født uden for Grønland			
Mænd			
Nanortalik	216 705	204 618	139 670
Qaqortoq	421 627	393 359	267 246
Narsaq	352 501	336 276	225 399
Ivittuut	534 881	521 703	340 683
Paamiut	387 661	373 730	255 033
Nuuk	544 047	514 102	351 194
Maniitsoq	380 579	360 107	251 220
Sisimiut	443 376	418 830	286 903
Kangaatsiaq	291 824	278 708	195 793
Aasiaat	428 944	411 501	267 093
Qasigiannugit	259 995	248 215	166 494
Ilulissat	354 979	334 802	226 390
Qeqertarsuaq	334 734	320 332	214 199
Uummannaq	292 140	276 573	188 534
Upernavik	501 770	482 161	311 443
Qaanaaq	335 941	320 893	213 512
Tasiilaq	405 125	386 574	262 056
Illoqortoormiut	450 320	425 450	296 728

For metode og definitioner af indkomstbegreberne henvises til seneste indkomstpunkation, der kan hentes på www.stat.gl

Signaturforklaring:

.. For usikker til at kunne angives eller udeladt af diskretionshensyn

... Oplysninger foreligger ikke